

JABATAN PERKHIDMATAN VETERINAR MALAYSIA

LAPORAN LIPUTAN MEDIA

KHAMIS, 15 APRIL 2021

1	Murid cedera diserang anjing liar
2	KPDNHEP akui harga ayam meningkat
3	Harga ayam,sawi naik mendadak
4	Kami tidak ada pilihan
5	Kurang bekalan pucadaging mahal
6	Budak cedera diserang anjing liar
7	Child bitten by stray dogs sufferbody, head injuries
8	Curtailling food price hikes
9	Perkenal skim hargabulan ramadan

DISEDIAKAN OLEH:

**SEKSYEN KOMUNIKASI KORPORAT
JABATAN PERKHIDMATAN VETERINAR MALAYSIA**

Murid cedera diserang anjing liar

Cedera di kepala dan badan akibat digigit ketika pulang dari sekolah

Oleh ASYRAF MUHAMMAD

KUALA LUMPUR

Seorang kanak-kanak cedera di badan dan kepala apabila digigit anjing liar yang berkeliaran di kawasan rumahnya di Seksyen 2, Wangsa Maju pada Selasa.

Ibu mangsa, Norhafizah Abdul Ghafar, 41, berkata, dalam kejadian itu, Syauqina Rifqa Sarinizam, 11, baharu dijemput datuknya di sekolah agama kira-kira jam 5.30 petang.

Menurutnya, ketika datuk Syauqina sedang parkir kenderaan, anjing liar berkenaan mengekori kanak-kanak itu yang turun kereta lebih awal.

"Anjing itu kemudiannya cuba menyerang arnab peliharaan kami di dalam sangkar. Anak saya cuba pergi tengok keadaan arnab itu tetapi saya melarang kerana bimbang keselamatannya.

"Ketika itu, anak saya berada agak jauh dari sangkar arnab namun



Betis kaki Syauqina turut cedera diserang anjing liar di kawasan rumahnya di Seksyen 2, Wangsa Maju pada Selasa. Gambar kecil: Keadaan luka di kepala Syauqina.

tiba-tiba anjing itu mengejar dan menerkamnya," katanya kepada *Sinar Harian* pada Rabu.

Menceritakan lebih lanjut, Norhafizah berkata, selepas itu, dia dan suami menghalau anjing liar itu dengan menggunakan batang besi.

"Jiran kami telah membantu membawa anak saya mendapatkan rawatan di Hospital Angkatan Tentera (HAT) Tuanku Mizan dan dia kemudiannya dipindah-

kan ke Hospital Gleneagles Kuala Lumpur bagi mendapatkan rawatan lanjut," katanya.

Norhafizah berkata, banyak anjing liar di kawasan kediamannya yang boleh membahayakan keselamatan penduduk.

Katanya, suaminya juga akan membuat laporan kepada Dewan Bandaraya Kuala Lumpur (DBKL) berhubung perkara ini bagi membolehkan tindakan sewajarnya diambil dengan segera.

KPDNHEP akui harga ayam meningkat



Alexander (klri) meninjau kepatuhan SOP peniaga di bazar Ramadan Presint 3, Putrajaya.

Gesa pengguna buat aduan sekiranya mendapati harga ayam naik mendadak

Oleh MOHAMMAD KHAIRIL
ASHRAF MOHD KHALID

PUTRAJAYA

Kementerian Perdagangan Dalam Negeri dan Hal Ehwal Pengguna (KPDN-

HEP) mengakui berlakunya peningkatan kenaikan harga ayam di pasaran.

Menterinya, Datuk Seri Alexander Nanta Linggi bagaimanapun berkata, kenaikan itu bukanlah seperti dilaporkan orang ramai yang mengatakan harga naik mendadak.

"Ada naik sedikit tapi masih dalam paras (kawalan)," katanya kepada pemberita selepas melancarkan Ops Pantau di bazar Ramadan Presint 3 di sini pada Rabu.

Sebelum ini, *Sinar Harian* melaporkan harga ayam segar

di beberapa negeri menunjukkan kenaikan antara 50 sen hingga RM1 menjelang Ramadan.

Tinjauan di Pasar Awam Sungai Besar, Selangor mendapati harga ayam naik kepada RM9 sekilogram berbanding RM8 sekilogram sejak sebulan lalu.

Mengulas lanjut, Alexander berkata, pihaknya juga memohon agar orang ramai membuat aduan sekiranya berlakunya kenaikan harga barang.

Beliau berkata, pihaknya akan mengarahkan penguat kuasa untuk turun padang sekiranya ada aduan dibuat oleh orang ramai.

"Tapi mereka tak kesan sebegitu rupa (kenaikan mendadak). Ada kenaikan dalam RM1 tapi masih dalam lingkungan (paras kawalan)," katanya.

Sementara itu, mengulas mengenai prosedur operasi standard (SOP), Alexander menegaskan, beliau kurang berpuas hati terhadap tahap kepatuhan pengunjung dan peniaga bazar Ramadan di Presint 3.

"Saya baru sampai sini tapi nampaknya ramai orang dah sesak dan yang berdiri tunggu giliran masuk juga sesak macam tak berapa ada SOP," katanya.

Beliau turut menasihatkan orang ramai dan pengunjung yang mengunjungi bazar Ramadan mematuhi SOP.

"Kita nasihatkan patuh ke-
SOP. Kita tak nak jadi

TARIKH	MEDIA	RUANGAN	MUKA SURAT
15.04.2021	HARIAN METRO	LOKAL	2

Harga ayam, sawi naik mendadak

Arau: Ketibaan Ramadan tahun ini 'disambut' dengan kenaikan mendadak harga ayam segar dan sawi di negeri ini.

Tinjauan di Pasar Besar Arau mendapati harga ayam segar yang dijual mencecah RM8.20 sekilogram berbanding RM7.49 sekilogram minggu lalu manakala harga sawi yang lazimnya dijual sekitar RM6 sekilogram naik sebanyak RM2.

Peniaga ayam, Ku Rosniza Ku Desa, 40, berkata, kenaikan harga ayam terutama pada Ramadan adalah sesuatu yang sukar dijangka.

"Harga ayam memang susah nak jangka kerana ia akan sentiasa naik mungkin disebabkan harga dedak naik.

"Tambahan pula musim perayaan atau Ramadan kenaikan pasti berlaku, bayangkan minggu lalu harganya sekitar RM7.50, tetapi boleh meningkat sehingga RM8," katanya.

Peniaga sayur, Marjita Othman, 40, berkata, harga sawi naik kerana harga pem-

borong sayuran di Cameron Highlands meningkat.

"Saya terpaksa beralih mengambil stok sayuran dari Thailand. Sekarang harga satu bakul atau sekitar 10 kilogram sayuran dari Cameron Highlands mencecah sehingga RM90.

"Sedangkan stok sama dari Thailand hanya sekitar RM50 maka saya terpaksa memilih stok sayuran dari Thailand kerana agak murah," katanya.

Sementara itu, Pengarah Pejabat Perdagangan Dalam Negeri dan Hal Ehwal Pengguna (KPDNHEP) Negeri Perlis, Norazah Jaapar berkata, pemeriksaan di 54 pasar basah, tiga pasar raya dan 72 kedai runcit di negeri ini mendapati bekalan keperluan asas barang basah iaitu ikan, ayam, daging, sayuran serta barang kering mencukupi.

"Bagaimanapun, terdapat peningkatan harga bagi ayam segar (standard) iaitu dari RM7.70 sekilogram kepada RM8.50 (kenaikan 6.25 peratus)," katanya.



KU Rosniza turut terkesan dengan kenaikan tidak menentu harga ayam segar yang dijualnya di Pasar Besar Arau.

TARIKH	MEDIA	RUANGAN	MUKA SURAT
15.04.2021	HARIAN METRO	LOKAL	2



'Kami tidak ada pilihan'

Peniaga naikan harga ayam sehingga RM1.50 setiap kg kerana pembekal letak harga tinggi

Oleh Suraya Roslan
suraya@hmetro.com.my

Kuala Lumpur

Harga ayam naik mendadak dan didakwa berlaku kenaikan sehingga RM1.50 bagi setiap kilogram (kg) berbanding sebelum Ramadan.

Tinjauan Harian Metro di Pasar Besar Awam Taman Tun Dr Ismail (TTDI) di sini semalam mendapati harga ayam RM9.50 per kg berbanding RM8 per kg sebelum Ramadan.

Seorang peniaga ayam

yang enggan dikenali berkata, kenaikan mendadak itu berikutan pembekal meletakkan harga tinggi menyebabkan peniaga tiada pilihan selain menaikkan harga.

"Kita ada tanya pemborong kenapa harga ayam mahal, mereka mendakwa memperoleh harga ayam lebih tinggi daripada pihak pembekal dari ladang ayam setiap kali menjelang musim perayaan.

"Jadi kami peniaga tiada pilihan selain terpaksa menaikkan harga," katanya.

Pendapat sama turut dikongsi peniaga ayam di Pa-

sar Borong Lama Selayang dikenali sebagai Samsuri berusia 60-an yang mendakwa kenaikan harga ayam hanya menguntungkan orang tengah saja.

"Kami peniaga hanya untung 20 hingga 30 sen saja, nak jual mahal-mahal kami fikir juga kasihan kepada pembeli kerana semua orang dalam keadaan susah sekarang," katanya yang sudah berniaga ayam lebih 20 tahun.

Menurut peniaga berkenaan, dia menjual ayam pada RM8.30 sekilogram dan mengakui berlaku peningkatan mendadak beri-

kutan sebelum Ramadan hanya RM7.10 sekilogram.

"Memang jawapan yang kami terima daripada pemborong, pihak pembekal menaikkan harga menyebabkan semua rantaian perniagaan ayam ini tidak mempunyai pilihan perlu menaikkan harga demi mendapat sedikit keuntungan.

"Kami untung tidaklah banyak berbanding pembekal yang kaya raya, kami berharap sangat kerajaan dapat memantau dan menyelesaikan isu ini sebelum Aidilfitri," katanya, semalam.

Kurang bekalan punca daging mahal

Kuala Terengganu: Kekurangan bekalan dikatakan punca harga daging dan ayam segar di negeri ini naik mendadak menjelang Ramadan.

Tinjauan di beberapa pasar basah sekitar bandar raya ini mendapati daging segar dijual sekitar RM30 hingga RM32 sekilogram (kg) berbanding sebelum ini, sekitar RM28 kg.

Bagi ayam segar pula, harga bagi sekilogram ialah RM9 berbanding RM8.50 yang dijual seminggu sebelum Ramadan.

Ada peniaga mendakwa, kenaikan harga ayam akan terus berlaku sehingga memecah sekitar RM9.50 hingga RM10 sekilogram. Peniaga daging, Yusof Abdullah, 62, berkata, kenaikan harga daging berlaku sejak sebulan lalu apabila peniaga terpaksa menjual pada harga RM30 hingga RM32 sekilogram berikutan bekalan bahan mentah itu dikatakan berkurangan.

“Bekalan daging kini kurang kerana kebanyakan penternak lembu lebih gemar menjual haiwan berkenaan kepada pembeli negeri lain seperti Kuala Lumpur dan Johor Bharu berikutan harga yang ditawarkan tinggi berbanding pembeli tempatan.

“Kemungkinan kenaikan harga daging akan berlaku sepanjang Ramadan sehingga menjelang Hari Raya kerana permintaan menjelang ketika itu tinggi sedangkan bekalan daging kurang,” katanya ketika ditemui di Pasar Chabang Tiga, semalam.

Yusof berkata, walaupun daging segar agak mahal, ia tetap mendapat sambutan dan menjadi pilihan umat Islam.


Bagi peniaga ayam, Hafizi Mohamad, 25, mendakwa kenaikan harga ayam berikutan faktor sama seperti daging segar, kekurangan bekalan.

“Tahun ini harga ayam agak pelik sedikit sebab bab baharu dua hari berpuasa harga ayam naik sehingga 50 sen setiap sekilogram sejak seminggu sebelum Ramadan.

“Saya dimaklumkan esok (hari ini) harga ayam memecah antara RM9.50 hingga RM10 sekilogram dan harga dijangka terus meningkat sehingga menjelang Aidilfitri,” katanya.

Hafizi berkata, sudah menjadi kebiasaan harga ayam dan daging naik setiap kali menjelang Ramadan, kecuali tahun lalu berikutan pelaksanaan Perintah Kawalan Pergerakan (PKP).

Namun, menurutnya, tahun ini agak pelik kerana berlaku kenaikan secara mendadak dan peniaga bualan sengaja mahu menaikkan harga.



Budak cedera diserang anjing liar

Kuala Lumpur: Seorang kanak-kanak cedera di badan dan kepala selepas digigit anjing liar yang berkeliaran di kawasan rumahnya di Seksyen 2, Wangsa Maju pada petang Selasa lalu.

Kejadian berlaku kira-kira jam 5.30 petang selepas kanak-kanak itu pulang dari sekolah agama sesi petang.

Ibu mangsa, Norhafizah Abdul Ghafar berkata anaknya Syauqina Rifqa Sarnizam, 11, digigit anjing liar selepas mangsa pergi menghalau anjing yang menghampiri kawasan arnab peliharaannya.

"Anak saya sudah sampai di depan rumah selepas balik sekolah dan pada masa sama saya terdengar bunyi salakan anjing.

"Anak saya memberitahu dia ingin pergi menghalau anjing yang datang ke kawasan sangkar arnab peliharaan kami. Saya tidak benarkan dan memintanya dia tunggu saya datang

sekali, tapi dia tetap pergi sendiri. Tidak sampai beberapa saat kemudian, saya dengar dia menjerit," katanya.

Norhafizah berkata selepas itu dia melihat anaknya dalam keadaan tertiarap dengan dua ekor anjing liar sedang memandang ke arahnya.

"Saya cuba halau, tetapi anjing itu tetap berada di situ dan hanya pergi selepas suami saya menghalau dan mengejar anjing-anjing berkenaan," katanya.

Beliau berkata anaknya mengalami kecederaan di bahagian kepala, lengan kiri, betis kaki kanan dan bahagian belakang badan.

"Selepas kejadian, jiran saya membantu membawa Syauqina ke Hospital Angkatan Tentera Tuanku Mizan sebelum kemudiannya dipindahkan ke Hospital Gleneagles Kuala Lumpur bagi mendapatkan rawatan lanjut," tambahnya. - Bernama



TARIKH	MEDIA	RUANGAN	MUKA SURAT
15.04.2021	NEWS STRAIT TIMES	NEWS	13

Child bitten by stray dogs suffers body, head injuries

KUALA LUMPUR: A child suffered injuries to the body and head after being bitten by stray dogs at Seksyen 2, Wangsa Maju on Tuesday evening. The incident occurred about 5.30pm when Syauqina Rifqa Sarnizam, 11, had returned home from school. Norhafizah Abdul Ghafar, said her daughter was bitten when she was trying to chase a dog which was trying to get close to her pet rabbit which was in a cage. "She came home from school and suddenly, I heard dogs barking. She said she wanted to chase the dogs away but I told her not to and to wait for me." Their neighbour helped bring the victim to Hospital Angkatan Tentera Tuanku Mizan before she was transferred to Gleneagles Kuala Lumpur.

TARIKH	MEDIA	RUANGAN	MUKA SURAT
15.04.2021	THE STAR	VIEW	15

Curtailing food price hikes

DESPITE the severe disruptions caused by the Covid-19 pandemic on the global food supply chain, supply of food in Malaysia has been able to meet the demand. However, there have been increases in prices especially for raw food like vegetables and meat.

For example, the price of sawi has increased from RM5 to RM8 per kg, scallions from RM18 to RM25 per kg, and long beans from RM8 to RM10 per kg.

The price of chicken meat has also increased from RM7.55 per kg in December 2020 to RM8.50 per kg recently.

The Consumer Price Index (CPI) for food and non-alcoholic beverages in February 2021 increased to 1.4% as against 0.8% in the same month of the preceding year. These hikes in prices will have some effects on society as a whole, and the B40 (low income group) in particular.

In the short run, food prices can be affected by several factors including supply and demand, outbreaks of diseases, weather and natural disasters. Demand shocks and problems with supply chains contributed to the volatility of food prices in Malaysia during the early stage of the Covid-19 pandemic.

Measures to prevent the spread of the disease, particularly the implementation of the movement control order (MCO), had a huge impact on food consumption as people were not able to access restaurants and other food outlets freely and many chose to cook and eat at home. As a result, they stocked up on groceries, which led to higher consumer spending in the grocery sector.

Increase in food prices has a major impact on the living standards of the lower-income households, which generally spend a higher proportion of their earnings

on food. Furthermore, a lot of people have lost their job due to measures implemented by the government to control the pandemic, leading to a decline in purchasing power.

The government must come up with better initiatives to monitor food prices and the supply of basic necessities in the market to ensure the welfare of consumers.

One of the mechanisms that could be considered to stabilise food prices is to stockpile essential food items. In this case, when the market prices for essential food items increase, whatever is held in stock could be released to stabilise the price. However, this mechanism requires huge storage facilities and an effective distribution system.

The government should also encourage and provide assistance for urban agricultural activities such as using open land in the home environment for growing

vegetables. Programmes that can empower young agri-entrepreneurs should also be supported.

The provision of food vouchers might need to be considered to minimise the effects of food price hikes on low-income households.

Generally, the current increase in food prices can be seen as a short-term impact of the Covid-19 pandemic. However, we must treat this pandemic as a wake-up call to review our food security status.

Promoting agro-entrepreneurship among youths, application of smart farming techniques and introduction of conducive policies to support investments in food production should be the government's priority moving forward.

DR NURUL NADIA RAMLI
Department of Agribusiness and
Bioresource Economics
Faculty of Agriculture
Universiti Putra Malaysia

TARIKH	MEDIA	RUANGAN	MUKA SURAT
15.04.2021	UTUSAN MALAYSIA	DALAM NEGERI	7

Perkenal skim harga bulan Ramadan

Oleh JAMLIAH ABDULLAH
utusannews@mediamulia.com.my

ALOR SETAR: Persatuan Pengguna Kedah (Cake) mencadangkan Kementerian Perdagangan Dalam Negeri dan Hal Ehwal Pengguna memperkenalkan skim kawalan harga sepanjang Ramadan bagi mengatasi masalah kenaikan harga barang yang melampau.

Setiausaha Kehormatnya, Mohamad Yusrizal Yusoff berkata, kementerian itu perlu memandang serius perkara tersebut kerana masalah kenaikan harga barang terutama bahan mentah berlaku setiap kali Ramadan.

Menurutnya, Cake sudah lama mencadangkan perkara itu sebagai salah satu langkah mengatasi isu kenaikan harga pada setiap Ramadan.

“Pada setiap musim perayaan ada skim kawalan harga dan skim yang sama juga perlu diadakan pada Ramadan,” katanya kepada *Utusan Malaysia* di sini semalam.

Beliau mengulas laporan akhbar ini semalam mengenai harga barang di seluruh negara yang naik melonjak ketika umat Islam menjalani ibadat puasa.

Mohamad Yusrizal berkata, kenaikan harga barangan tersebut mendatangkan kesan kepada pengguna termasuk peniaga apatah lagi dengan situasi ekonomi masing-masing yang masih terjejas akibat Covid-19.

“Tanpa skim kawalan harga ini, Cake percaya harga barang akan terus naik dan tindakan penguatkuasaan ke atas pihak terlibat sukar dilaksanakan,” katanya.

Tambahnya, hasil peman-tauan Cake di Alor Setar kelmarin turut mendapati berlaku kenaikan harga barang yang ketara pada barang basah seperti ikan, daging, ayam dan sayur-sayuran.

“Di Alor Setar, kita mendapati harga barang mentah utama seperti ikan, ayam dan daging naik daripada lapan hingga 10 peratus. Ikan kembung contohnya naik sehingga RM8 sekilogram sedangkan saya lihat stok ikan banyak.

“Cake menjangkakan harga ayam juga akan naik sehingga RM9.50 sekilogram jika harganya masih tidak dikawal dengan harga siling.

“Bagi orang Kedah kenaikan ini keterlaluan dan boleh membebankan golongan berpendapatan rendah,” katanya.